

Das Euangelium nennet ihn einen König/ vnd
weist ihn in die Schrift / daß er sey der König al-
ler Könige/ vnd Herr aller Herren/ Deut. 10. Sap. 6.
Rom. 2. 1. Tim. 6. Apoca. 17. & 19. anzuzeigen seine
potentiam vnd macht / zu thun was er wil/ im himel
vnd auff Erden / Psal. 115. & 135. Seine Scientiam,
daß er aller menschen hertzenkündiger / 2. Chro. 6.
Psal. 7. & 17. Syr. 34. v. 18. Act. 1. Die *debitores* vnd
debita wol wisse/ So du wilst sünde zurechnen/ Herr
wer wird bestehen/ Psal. 130. Seine *Iusticiam* vnd
gerechtigkeit/ daß er die person nicht ansihet/ Deut.
10. Syr. 35. Act. 10. Rom. 2. Gal. 2 Col. 3. sondern al-
le zur Rechnung fordern lesst/ 2. Cor. 5.

Seine *Clementiam*, wenn die knechte nicht haben
zubezahlen/ sich aber für ihm demütigen/ vmb geduld
vnd gnade bitten/ so ist er barmhertzig/ gnedig/ gedul-
dig vnd von grosser güte/ Psal. 103. Er lesset solche
knechte los / vnd die schuld schenckt er ihnen auch /
Matth. 18. wie die exempla der kinder Israel/ Da-
uids/ Hiskie/ Manassis/ Petri/ Marie Magdalene/
des Schächers am Creutz/ vnd anderer mehr/ aus-
weisen.

Seine *Vehementiam* gegen die vngehorsamen
vnd vndanckbaren verächter seiner gnaden. Er re-
det eins mit ihnen in seinem zorn / vnd schrecket sie
in seinem grim / Psal. 2. v. 4. Er schlegt sie auff der
Backen

I.

V.

X.

Y.

Z.

a.

G

Backen